

持56
177

訂訓
書經
改點
天

東 京 圖 書 館				
一	一	三	經	漢
冊	四	架	昏	書
	號	函	類	門

書集傳序

慶元己未冬先生文公命沈作書集傳明年先生歿又十年始克成編總若干萬言嗚呼書豈易言哉二帝三王治天下之大經大法皆載此書而淺見薄識豈足以盡發蘊奧且生於數千載之下而欲講明於數千載之前亦已難矣然二帝三王之治本於

道二帝三王之道本於心得其心則道與治固可得而言矣何者精一執中堯舜禹相授之心法也建中建極商湯周武相傳之心法也曰德曰仁曰敬曰誠言雖殊而理則一無非所以明此心之妙也至於言天則嚴其心之所自出言民則謹其心之所由施禮樂教化心之發也典章文物心

之著也家齊國治而天下平心之推也心之德其盛矣乎二帝三王存此心者也夏桀商受亡此心者也太甲成王困而存此心者也存則治亡則亂治亂之分顧其心之存不存如何耳後世人主有志於二帝三王之治不可不求其道有志於二帝三王之道不可不求其心求心之要舍是書

何以哉。沈自受讀以來，沈潛其義，參攷衆說，融會貫通，迺敢折衷微辭，奧旨多述舊聞。二典禹謨，先生蓋嘗是正手澤，尚新嗚呼，惜哉！集傳本先生所命，故凡引用師說，不復識別。四代之書，分爲六卷，文以時異，治以道同。聖人之心，見於書，猶化工之妙著於物，非精深不能識也。是傳也，於堯舜禹湯文武周公之心，雖未必能造其微，於堯舜禹湯文武周公之書，因是訓詁，亦可得其指意之大略矣。嘉定己巳三月既望，武夷蔡沈序。

尚書

虞書

堯典

曰若稽古帝堯曰若發語曰放勳許云欽明文思安安允

恭克讓光被四表被及格于上下格至克明俊德以親

九族九族既睦平章百姓百姓昭明協和萬邦黎

民於變時雍於音烏時○乃命羲和欽若昊天若順也曆

象日月星辰敬授人時分命羲仲宅嵎夷嵎音曰暘

谷陽寅賓出日寅敬平秩東作日中星鳥以殷仲春

書經上

也殷中厥民析分也分鳥獸擊尾擊音申命義叔申重宅南交平

秩南訛敬致日永星火以正仲夏厥民因鳥獸希

革分命和仲宅西日昧谷寅饑納日平秩西成宵

中星虛以殷仲秋厥民夷也平鳥獸毛毳燕與申命和

叔宅朔方日幽都平在朔易日短星昴以正仲冬

厥民隩於到鳥獸氄毛氄而帝曰咨嗟汝羲暨和暨及耕

三百有六旬有六日其反以閏月定四時成歲允釐

百工也庶績咸熙也廣○帝曰疇咨若時登庸疇誰咨

放齊曰放甫胤子朱胤羊啟明帝曰吁歎其不嚚訟嚚訟

乎○帝曰疇咨若予采也驩兜曰驩呼官反都歎美共工

方鳩僝功方且鳩聚也僝帝曰吁靜言庸違象恭滔天

○帝曰咨四岳湯湯洪水方割湯音傷洪戶蕩蕩懷

山襄陵懷包也襄駕浩浩滔天浩胡老反滔下民其咨也有

能俾乂俾使又兪曰於鯀哉鯀古帝曰吁咈哉咈符方命

圮族方命毀命而不行岳曰异哉异音異已廢而試可乃已帝曰

往欽哉九載績用弗成○帝曰咨四岳朕在位七

十載汝能庸命弇朕位與遜古岳曰否德忝帝位否不

曰明明揚側陋師錫帝曰師取錫有鰥在下鰥故曰

虞舜帝曰俞應許之辭子聞如何岳曰賢子父頑母嚚家
傲克諧諧和也以孝也烝烝乂不格格至也帝曰我其試哉
女于時女危據反以女與久也時是也觀厥刑于二女刑去也釐降二女于媯
汭釐理降下也媯俱為反汭如稅反嬪于虞嬪也帝曰欽哉

舜典

曰若稽古帝舜曰重華協于帝協合也濬哲文明濬音溫
恭允塞玄德升聞乃命以位慎徽五典微美也五典克
從納于百揆百揆時敘賓于四門四門穆穆納于
大麓烈風雷雨弗迷○帝曰格格來也汝舜詢事考言

詢謀也乃言底可績二載乃汝底也汝陟帝位陟升也舜讓于德

弗嗣正月上日受終于文祖在璿璣玉衡璿音以

齊七政肆類于上帝肆遂也禋于六宗禋音望于山川徧

于羣神輯五瑞既月輯歛既也乃日觀四岳羣牧觀見也班

瑞于羣后班頒也歲二月東巡守至于岱宗守收也柴望秩

于山川肆覲東后協時月正日同律度量衡修五

禮五玉三帛二生一死贊如五器如同也卒乃復卒畢也五

月南巡守至于南岳如岱禮八月西巡守至于西

岳如初十有一月朔巡守朔北也至于北岳如西禮歸

格于藝祖格至也用特五載一巡守君后四朝敷奏以

言敷陳奏也明試以功車服以庸也十有二州也封十

有二山濬川濬深也象以典刑流宥五刑宥寬也鞭作官

刑扑作教刑扑音金作贖刑贖神責災肆赦省怙終賊

刑怙音欽哉欽哉惟刑之恤哉流共工于幽洲放驩

兜于崇山竄三苗于三危竄七殛鯀于羽山四罪而

天下咸服二十有八載帝乃殂落殂才百姓如喪考

妣三載四海遏密八音遏安○月正元日舜格于文

祖詢于四岳詢謀也闢四門闢開也明四目達四聰咨十有

二牧曰食哉惟時柔遠能邇信也德元元信也而難

任人難拒也蠻夷率服○舜曰咨四岳有能奮庸熙帝

之載奮起熙廣也使宅百揆亮采惠疇亮明惠順也兪曰兪衆也伯禹

作司空帝曰兪咨禹汝平水土惟時懋哉懋勉也禹拜

稽首讓于稷契暨皋陶契音世陶音遙帝曰兪汝往哉○帝

曰棄黎民阻飢阻厄也汝后稷播時百穀播布也○帝曰契

百姓不親五品不遜順也汝作司徒敬敷五教敷布也在

寬○帝曰皋陶蠻夷猾夏猾亂也寇賊姦宄軌音汝作士

五刑有服五服三就五流有宅五宅三居惟明克

允○帝曰疇若予力工僉曰垂哉帝曰俞咨垂汝共

工垂拜稽首讓于及斯暨伯與反音朱斯千帝曰俞往

哉汝諧○帝曰疇若予上下草木鳥獸僉曰益哉

帝曰俞咨益汝作朕虞益拜稽首讓于朱虎熊羆

帝曰俞往哉汝諧○帝曰咨四岳有能典朕

三禮典主僉曰伯夷帝曰俞咨伯汝作秩宗夙夜惟

寅敬長直哉惟清伯拜稽首讓于夔龍魯音帝曰俞往

欽哉○帝曰夔命汝典樂教胥子曹直直而溫寬而

栗剛而無虐簡而無傲二無字詩言志歌永言聲儀

永律和聲八音克諧無相奪倫神人以和夔曰於

予擊石拊石百獸率舞○帝曰龍朕聖讓說殄行

震驚朕師聖疾力反疾也 讒音慙殄絕也命汝作納言夙夜出納朕命

惟允○帝曰咨汝二十有二人欽哉惟時亮天功

三載考績三考黜陟幽明黜五 律反庶績咸熙分北三

苗北如字又音 佩猶背也○舜生三十徵庸徵知 陵反三十在位五十載

陟方乃死

大禹謨

曰若稽古大禹曰文命敷于四海祗承于帝祗敬也曰

后克艱厥后也艱難臣克艱厥臣政乃乂黎民敏德帝

曰俞允若茲嘉言罔攸伏也攸所野無遺賢萬邦咸寧

稽于衆舍己從人捨舍音不虐無告不廢困窮惟帝時

克○益曰都帝德廣運乃聖乃神乃武乃文皇天

眷命眷顧也奄有四海奄蓋也為天下君○禹曰惠迪吉惠順也

從逆凶惟影響○益曰吁戒哉儆戒無虞也虞罔

失法度也罔勿罔遊于逸罔淫于樂淫過也樂音洛任賢勿貳去

邪勿疑去起疑謀勿成百志惟熙罔違道以干百姓

之譽干求也罔拂百姓以從己之欲拂符勿反逆也無怠無荒四

夷來王禹曰於音帝念哉德惟善政政在養民水

火金木土穀惟修正德利用厚生惟和九功惟敘

九敘惟歌戒之用休董之用威董督也勸之以九歌俾

勿壞帝曰俞地乎夫大成六府三事允治萬世永賴

時乃功○帝曰格汝禹朕宅帝位三十有三載耄

期倦于勤耄莫報反汝惟不怠總朕師禹曰朕德罔克民

不依皐陶邁種德邁莫怪反種布也德乃降下黎民懷之帝念

哉念茲在茲釋茲在茲釋舍也名言茲在茲允出茲在

茲惟帝念功○帝曰皐陶惟茲臣庶罔或干予正

千犯正政也

汝作士明于五刑以弼五教弼輔也期于予治刑

期于無刑民協于中時乃功懋哉皇陶曰帝德罔

愆愆過也臨下以簡御眾以寬罰弗及嗣賞延于世延遠及也

宥過無大刑故無小罪疑惟輕功疑惟重與其殺

不辜辜罪也寧失不經常也好生之德洽于民心茲用不

犯于有司帝曰俾予從欲以治四方風動惟乃之

休○帝曰來禹洛水做予成允成功惟汝賢克勤

于邦克儉于家不自滿假惟汝賢汝惟不矜矜夸也天

下莫與汝爭能汝惟不伐張大也天下莫與汝爭功予

懋懋盛也心乃德懋盛通盛大之意嘉乃不績天之曆數在汝躬汝終陟

元后陟升也人心惟危道心惟微惟精惟一允執厥中

無稽之言勿聽弗詢之謀勿庸庸用也可愛非君可畏

非民眾非元后何戴后非眾罔與守邦欽哉慎乃

有位敬修其可願四海困窮天祿永終惟口出好

興戎朕言不再禹曰枚下功臣枚音梅惟吉之從帝曰

禹官占惟先蔽志蔽斷也昆命于元龜昆後也朕志先定詢

謀僉同鬼神其依龜筮協從卜不習吉習重也禹拜稽

首固辭帝曰毋禁止也惟汝諧正月朔旦受命于神宗

率百官若帝之初。○帝曰咨禹惟時有苗弗率也。

汝徂征也。禹乃會羣后誓于師曰濟濟有衆咸聽

朕命蠢茲有苗。昏迷不恭侮慢自賢及道敗德

君子在野小人在位民棄不保天降之咎肆予以

爾衆士也。肆故。奉辭伐罪爾尚一乃心力其克有勳三

旬苗民逆命益贊于禹曰也。贊佐。惟德動天無遠弗届

至也。滿招損謙受益時乃天道帝初于歷山往于田

日號泣于旻天于父母。旻音民。負罪引慝。慝反。祗載見

警腹。祗敬載事也。見賢遍反。夔夔齊慄。齊側。皆反。警亦允若也。至誠感神

誠音。矧茲有苗也。矧况。禹拜昌言曰兪班師振旅也。班還振。帝

乃誕敷文德也。誕大。舞干羽于兩階七旬有苗格也。至

皇陶謨

曰若稽古皇陶曰允迪厥德也。迪路。謨明弼諧禹曰兪

如何皇陶曰都慎厥身修思永惇敘九族庶明勵

翼邇可遠在茲也。邇近。禹拜昌言曰兪皇陶曰都在知

入在安民禹曰吁咸若時惟帝其難之知入則哲

能官人安民則惠黎民懷之能哲而惠何憂乎驩

兜何遷乎有苗何畏乎功言令色孔壬○皇陶曰

都亦行有九德亦總也行胡孟反亦言其人有德乃言曰載采

采載行也采事也禹曰何皐陶曰寬而栗柔而立愿而恭愿音願

亂而敬亂治也擾而毅擾而小反馴也直而溫簡而廉剛而塞山則反

彊而義彰厥有常彰著也吉哉曰宣三德宣明也夙夜浚明

有家曰嚴祇敬六德亮采亮明也有邦翁受敷施

九德咸事俊又在官百僚師師百工惟時撫于

五辰撫順也庶績其凝成也無教逸欲有邦無與母通兢兢業業

一曰二曰萬幾機音無曠庶官曠廢也天工人其代之

天敘有典勅我五典五惇哉勅正惇厚也天秩有禮自我

五禮自用也有庸哉庸常也同寅協恭和衷哉衷音中天命有德

五服五章哉章顯也天討有罪五刑五用哉政事懋哉

懋哉天聰明自我民聰明天明畏自我民明威達

于上下敬哉有土○皐陶曰朕言惠順也可底行禹

曰俞乃言底可績皐陶曰予未有知思曰贊贊襄

哉思曰之日當作日襄成也

益稷

帝曰來禹汝亦昌言禹拜曰都帝予何言予思曰

孜孜音茲皐陶曰吁如何禹曰洪水滔天浩浩懷山

襄陵下民皆墊都念反予乘四載隨山刊木隨循刊苦安反除也既且益

奏庶鮮食妻進也鮮血食也予決九川距四海距至也濬畎澮濬深也畎古注反

距川暨稷播奏庶艱食鮮食艱難也懋遷有無懋勉也化居

烝民乃粒萬邦作乂皇陶曰俞師汝昌言○禹曰

都帝慎乃在位帝曰俞禹曰安汝止惟幾惟康幾音

其弼直惟動不應後志後待也以昭受上帝天其申命

用休帝曰吁臣哉鄰哉鄰哉臣哉禹曰俞帝曰臣

作朕股肱耳目股音古肱古弘反予欲左右有民汝翼予欲宣

力四方汝為予欲觀古人之象日月星辰山川龍華

蟲作會明對反宗彝藻藻音火粉米備音黼音黻音絺音繡音

以五采彰施于五色作服汝明予欲聞六律五聲

八音在治忽在察也以出納五言出尺類反汝聽予違汝弼汝

無面從退有後言欽四鄰庶頑讒說若不在時是也

侯以明之撻以記之撻他末反書用識哉識音志誌也欲立生哉

工以納言時而颺之颺音揚格則承之庸之承薦也否前威

之否俯久反禹曰俞哉帝光天之下至于海隅蒼生萬邦

黎獻共惟帝臣共同也惟帝時舉敷納以言明庶以功

車服以庸誰敢不讓敢不敬應帝不時敷同日奏

罔功也 奏進無若丹朱傲惟慢遊是好傲虐是作罔畫

夜頌頌鄂格罔水行舟朋淫于家用殄厥世也 殄絕予創

若時也 創懲娶于塗山辛壬癸甲啓呱呱而泣孤 呱音予弗

子惟荒度土功荒大也度 達各反彌成五服至于五千州十有

二師外薄四海薄音博 迫也咸建五長之文 反各迪有功苗頑

弗即工也 即就帝其念哉帝曰迪朕德時乃功惟敘臯

陶方祗厥敘方施象刑惟明○夔曰臯擊鳴球臯說

搏拊琴瑟搏音博 拊音撫以詠祖考來格虞賓在位羣后

德讓下管鼗鼓鼗音桃 鼓音桃合止祝嘏祝昌六反 嘏偶許反笙鏞以間鏞音甯

鳥獸踴踴蕭韶九成鳳凰來儀護曰於予擊石拊

石百獸率舞庶尹允諧○帝庸作歌曰也勅天之

命勅也 勅音惟時惟幾音乃歌曰股肱喜哉元首起哉百

工熙哉臯陶拜手稽首颺言曰颺音揚念哉率作興事

慎乃憲欽哉屢省乃成屢數也省 息井反欽哉乃虞載歌曰

元首明哉明音股肱良哉庶事康哉又歌曰元

首叢脞哉叢但公反 脞取果反股肱惰哉惰懈 忘也萬事墮哉墮音墮 傾圮也帝拜

曰俞往欽哉

夏書

禹貢

禹敷土數分也隨山刊木莫高山大川莫音殿定也冀州既載

壺口治梁及岐既修太原至于岳陽會友反懷底績會友反

至于衡漳厥土惟白壤汝兩反厥賦惟上下錯也雜厥田

惟中中恆衛既從恒胡登反大陸既作島夷衣服島音到夾右

碣石夾音助碣巨列反入于河○濟河惟兗州克悅轉反九河既道雷

夏既澤灘沮會同灘音區沮千余反桑土既蠶音音是降丘宅土

厥土黑墳音粉土墳起也厥草惟繇音繇茂也厥木惟條長也厥田惟

中下厥賦貞也正作十有三載乃同厥貢漆絲厥篚

織文浮于濟漯也合反達于河○海岱惟青州嶠夷既

略維淄其道維音維溜音淄厥土白墳海濱廣斥尚石反其田惟

上下厥賦中上厥貢鹽絺抽邊反海物惟錯也雜岱畎絲

臬畎古法反泉想里反鉛松怪石鉛音緣萊夷作牧厥篚檿絲檿音瑛浮于

汶問音達于濟○海岱及淮惟徐州淮沂其乂沂音宜蒙

羽其藝大野既豬張魚反水蓄而復流者謂之豬東原底平厥土赤埴

墳埴音熾草木漸包厥田惟上中厥賦中中厥貢惟土

五色羽畎夏翟夏玄雅反翟徒歷反嶧陽孤桐嶧音亦泗濱浮磬泗音音淮

夷蠙珠暨魚暨及也厥篚玄纁纁音思纁反縞縞音古老反浮于淮泗達于

河○淮海惟揚州彭蠡既豬禮陽鳥攸居三江既

入震澤底定篠蕩既敷厥草惟夭於驕及少厥木惟喬

也高厥土惟塗泥厥田惟下下厥賦下上上錯下上時

厥貢惟金三品瑤琨篠蕩瑤音遙齒革羽毛惟木島

夷卉服齊音厥篚織貝厥包橘柚錫貢包裹也橘柚必塗乎

江海洽音表順流達于淮泗○荆及衡陽惟荊州江漢

朝宗于海朝直九江孔殷孔甚殷沱潛既道沱徒河及雲土

夢作又夢古弄反又可耕治也可耕治也厥土惟塗泥厥田惟下中厥賦上

下厥貢羽毛齒革惟金三品柁榦栝柏柁勅倫反璣砥

磬丹磬力世反惟箇輅栝箇求隕反三邦既貢厥名履反包

匭菁茅匭音軌匪厥篚玄纁璣組纁許云反璣其九江納錫大

龜浮于江沱潛漢逾于洛逾越至于南河○荆河惟

豫州伊洛瀍澗瀍直既于河滎波既豬滎戶導蒔澤

荷音被孟豬被及厥土惟壤下土墳壚壚音盧玄而厥田惟

中上厥賦錯上中厥貢漆枲絺紵直音厥篚織纉曠音

錫貢磬錯浮于洛達于河○華陽黑水惟梁州華胡

岷嶓既藝岷武中反沱潛既道蔡蒙旅平和夷及績厥

土青黎也厥田惟下上厥賦下中三錯厥貢璆鐵

銀鑊怒磨珍音與鑊熊羆狐狸織皮羆彼宜反西傾因相

來傾頽浮于潛逾于沔入于渭謂音亂于河亂逆河而○黑

水西河惟雍州弱水既西涇屬渭涇音經屬音燭連○漆

沮既從沮七澧水攸同澧考荆岐既旅終南俾物至于

鳥鼠原隰底績至于豬野三危既宅三苗不敘五六

厥土惟黃壤厥田惟上上厥賦中下厥貢惟球琳

琅玕球音求琳來金反浮于積石至于龍門西河會于渭

汭○織皮崑崙析支渠搜崑崙門反析星西戎即敘即就

導嶓及岐嶓音至于荆山逾于河壺口雷首至于太

岳底柱析城底之至于王屋太行恆山行戶至于碣石

入于海西傾朱圉鳥鼠至于太華呂反熊耳外方桐

柏至于陪尾陪音導嶓冢至于荆山內方至于太別

岷山必列之陽至于衡山過九江至于敷淺原○導

弱水至于合黎餘波入于流沙導黑水至于三危

入于南海導河積石至于龍門南至于華陰東至

于底柱又東至于孟津東過洛汭至于大伾音北

過洛水至于大陸又北播為九河同為逆河入于

海嶓冢導漢東流為漢又東為滄浪之水浪音過三

滋反市井至于大别南入于江東匯澤為彭蠡匪胡罪反廻也東

為北江入于海岷山導江東別為池又東至于澧

禮音 過九江至於東陵東迤北會于匯地音以東為中江

入于海道沈水沈音充東流為濟入于河溢為滎東出

于陶丘北陶音挑又東至于荷又東北會于汶又北東

入于海道灌自桐柏東會于泗沂東入于海道導滹

自鳥鼠同穴東會于澧豐音又東會于涇又東過漆

沮入于河道洛自熊耳東北會于澗瀍又東會于

伊又東北入于河○九州攸同四隩既宅隩於六反隩也九

山刊旅九川滌源滌特歷反九澤既陂彼宜反障也四海會同六

府孔修孔大也庶士交正底慎財賦底致也咸則三壤咸皆也則一節之也

成賦中邦錫土姓祗台德先祗敬也台音怡我也不距朕行距遠也行下孟反

五百里甸服甸田通反百里賦納總二百里納鉉珍栗反三百

里納結工八反服四百里粟五百里米五百里侯服百

里采二百里男邦三百里諸侯五百里綏服三百

里揆文教揆度也二百里奮武衛五百里要服要一遙反三百

里夷一百里蔡音蔡也五百里荒服三百里蠻二百里流

東漸于海漸漬也西被于流沙被覆也朔南既暨及也聲教訖于

四海萬錫玄圭告厥成功

甘誓

大戰于甘。乃召六卿。王曰：嗟！六事之人，予誓告汝。有扈氏威侮五行，怠棄三正，天用勦絕其命。勦，小反。今予惟恭行天之罰。左不攻于左，攻，治也。汝不恭命；右不攻于右，汝不恭命；御非其馬之正，汝不恭命；用命賞于祖，不用命戮于社。戮，殺也。予則孥戮汝。

五子之歌

大康尸位，以逸豫滅厥德，罔念民咸。貳乃盤遊，無度。

敢于有洛之表。敢音田，表外也。十旬弗反，有窮后羿。五計反。因民

弗忍，距于河。厥弟五人，御其母以從。御，侍也。俛于洛之

汭。後待也。五子咸怨，述大禹之戒以作歌。○其一曰：皇

祖有訓，民可近，不可下。民惟邦本，本固邦寧。予視

天下，愚夫愚婦，一能勝予；一人三失，怨豈在明？不

見是圖，予臨兆民，懍乎若朽索之馭六馬。懍，力甚反，行許久反。

索音各反，馭音御。爲人上者，奈何不敬？○其二曰：訓有之內，作

色荒外，作禽荒。甘酒嗜音，峻宇彫牆。彫，繪飾也，牆，牆也。有一于

此，未或不亡。○其三曰：惟彼陶唐，有此冀方。今夫

厥道亂其紀綱乃底滅亡。○其四曰明明我祖萬邦之君有典有則貽厥子孫貽以之友遺也。鬩石和鈞王府則有克墜厥緒覆宗絕祀。○其五曰嗚呼曷歸予懷之悲萬姓仇予予將疇依鬱陶予予心鬱音蔚陶音挑。顏厚有怙恠怙女六反恠女夷反弗慎厥德雖悔可追。

胤征

惟仲康肇位四海肇始也胤侯命掌六師義和處厥職酒荒于厥邑胤后承王命徂征告于眾曰嗟予有眾聖有謨訓明徵定保徵音澄驗也保安也先王克謹大戒臣人

克有常憲百官修輔厥后惟明明每歲孟春道人

以木鐸徇于路迺慈秋及鐸遠各反徇傳示也官師相規正也工執藝事以

諫其或不恭邦有常刑惟時義和顛覆厥德沈亂

于酒畔官離次俶擾天紀俶昌六反始也擾亂也遐棄厥司乃季

秋月朔辰弗集于房集漢書作輯集輯通用警奏鼓警音古嗇夫馳嗇音色

庶人走義和尸厥官罔聞知昏迷于天象以于先

王之誅于犯也政典曰先時者殺無赦先慈薦反不及時者殺

無赦今予以爾有眾奉將天罰將行也爾眾士同力王

室尚弼予欽承天子威命火炎崑岡崑音昆玉石俱焚

天吏逸德烈于猛火殲厥渠魁殲將廉反 魁苦回反脅從罔治脅虛業反舊染汙俗汙為故反咸與惟新嗚呼威克厥愛允濟愛克厥威允罔功其爾眾士懋戒哉

商書

湯誓

王曰格爾眾庶格至也悉聽朕言非尔小子敢行稱亂台音怡我也 後同稱舉也有夏多罪天命殛之今爾有眾汝曰我后不恤我眾舍我穡事舍音拾而割止夏予惟聞汝眾言夏氏有罪予畏上帝不敢不止今汝其曰夏罪其

如台台音怡我也夏王率遏眾力遏絕也率割夏邑有眾率怠弗協曰時日曷喪時是也予及汝皆亡夏德若茲今朕必往爾尚輔予一人致天之罰予其大賚汝賚音來 與也爾無不信朕不食言爾不從誓言予則孥戮汝罔有攸赦

仲虺之誥虺許偉反

成湯放桀于南巢惟有勳德勳愧也曰予恐來世以自為口實仲虺乃作誥曰嗚呼惟天生民有欲無主乃亂惟天生聰明時又有夏昏德民墜塗炭天乃

商書卷上 商書卷上 商書卷上

錫王勇智表止萬邦續禹舊服續子管反繼也茲率厥典奉

若天命夏王有罪矯誣上天誣罔也以布命于下帝用

不臧善也式尚受命式用也用爽厥師爽明師衆也簡賢附勢實

繁有徒繁多也肇我邦于有夏肇始也若苗之有莠以九反若粟

之有秕卑履反小大戰戰罔不懼于非辜矧予之德言

足聽聞惟王不邇聲色邇近也不殖貨利殖聚也德懋懋官

懋與茂同繁之意功懋懋賞用人惟己改過不吝克寬克仁彰

信兆民乃葛伯仇餉式亮反初征自葛東征西夷怨南

征北狄怨曰奚獨後予奚何也攸徂之民室家相慶曰

俟予后後待也后來其蘇民之戴商厥惟舊哉舊久也佑賢

輔德顯忠忠也良兼弱攻昧取亂侮亡侮傷也推亡固存

邦乃其昌德日新萬邦惟懷志自滿九族乃離王

懋昭大德建中于民以義制事以禮制心垂裕後

昆予聞曰能自得師者王謂人莫己若者亡好問

則裕好呼報反自用則小嗚呼慎厥終惟其始殖有禮覆

昏暴欽崇天道永保天命

湯誥

王歸自克夏至于亳亳各反誕告萬方誕大也王曰嗟爾萬

方有眾明聽予一人詰惟皇上帝皇大也降喪于下民

若有恆性若順也克綏厥猷猷道也惟后猷道也夏王滅德作威以

敷虐于爾萬方百姓爾萬方百姓惟其凶害知反弗

忍荼毒荼音徒立告無辜于上下神祇天道福善禍淫

降災于夏以彰厥罪肆台小子肆故也將天命明威不

敢赦敢用玄牡敢昭告于上天神后請罪有夏事

求元聖事遂也與之戮力以與爾有眾請命上天孚佑

下民孚信也罪人黜伏天命弗僭差也賁若草木賁披義反兆民

允殖俾予一人輯寧爾邦家輯和也茲朕未知獲戾于

上下庚罪也慄慄危懼若將隕于深淵隕墜也凡我造邦無

從匪彝法也無卽愆淫卽就也愆他刀反各守爾典常也以承天休

爾有善朕弗敢蔽罪當朕躬弗敢自赦惟簡在上

帝之心簡閱也其爾萬方有罪在予一人予一人有罪

無以爾萬方嗚呼尚克時忱時是也忱時主反信也乃亦有終

伊訓

惟元祀十有二月乙丑伊尹祠于先王奉鬯王祇

見厥祖見形句反侯甸羣后咸在百官總已以聽冢宰伊

尹乃明言烈祖之成德以訓于王訓導也曰嗚呼古有

夏先后方懋厥德罔有天災山川鬼神亦莫不寧

暨鳥獸魚鼈咸若暨及也鼈必滅反于其子孫弗率也皇天降

災假于我有命假借也造攻自鳴條朕哉自亳也惟

我商王布昭聖武代虐以寬兆民允懷今王嗣厥

德罔不在初立愛惟親立植也立敬惟長竹父反始于家邦

終于四海嗚呼先王肇修人紀從諫弗咈扶弗反逆也先

民時若時是也下同若順也居上克明為下克忠與人不求備檢

身若不及以至于有萬邦茲惟艱哉敷求哲人敷廣也

俾輔于爾後嗣制官刑儆于有位曰敢有恆舞于

宮酣歌于室酣甘反時謂巫風敢有殉于貨色巫音無殉從潤反從也

恆于游畋時謂淫風敢有侮聖言逆忠直遠者德

遠于願反者巨夷反比頑童比毗志反昵也時謂亂風惟茲三風十愆去乾反卿

士有一于身家必喪息浪反邦君有一于身國必亡臣

下不匡也其刑墨貫訓于蒙士嗚呼嗣王祗厥身

念哉聖謨洋洋嘉言孔彰孔甚彰也惟上帝不常作善

降之百祥作不善降之百殃爾惟德罔小萬邦惟

慶爾惟不德罔大隆厥宗

太甲上

惟嗣王不惠于阿衡也伊尹作書曰先王顧諟天

之明命以承上下神祇社稷宗廟罔不祗肅

天監厥德用集大命撫綏萬方惟尹躬克左右

厥辟宅師肆嗣王丕承基緒惟尹躬先見

于西邑夏自周有終相亦惟終其後嗣王罔克有

終相亦罔終嗣王戒哉祗爾厥辟丕辟忝厥祖

王惟庸罔念聞伊尹乃言曰先王昧爽丕顯坐

以待旦夢求後彥啓迪後人無越厥命以自覆慎

乃儉德惟懷永圖若虞機張往省括于度則釋

括于括也度法發也釋發也

欽厥止率乃祖攸行惟朕以懌萬世有

辭王末克續伊尹曰茲乃不義習與性成予弗狎

于弗順營于桐宮密邇先王其訓無俾世迷王

徂桐宮居憂也克終允德

太甲中

惟三祀十有一月朔伊尹以冕服奉鬯王歸于亳

作書曰民非后罔克胥匡以生后非民罔

以辟四方皇天眷佑有商俾嗣王克終厥德實萬

世無疆之休王拜手稽首曰予小子不明于德自

冕音免奉迎也毫音各反

底不類欲敗度縱敗禮以遠戾于厥躬遠召之意也戾罪也天作孽災也猶可違自作孽不可追胡玩反逃也既往背師保之訓弗克于厥初尚賴匡救之德圖惟厥終伊尹拜手稽首曰修厥身允德教于下惟明后先王子惠困窮民服厥命固有不愧立其有邦厥鄰乃曰後我后後待也後來無罰王懋乃德視乃烈祖無時豫怠奉先思孝接下思恭視遠惟明惟思也聽德惟聰朕承王之休無斁音亦厥也

太甲下

伊尹申誥于王曰申重也嗚呼惟天無親克敬惟親民罔常懷懷于有仁鬼神無常享享于克誠天位艱哉德惟治治直吏反否德亂否俯久反與治同道罔不與與亂同事罔不亡終始慎厥與惟明明后先王惟時懋敬厥德克配上帝今王嗣有令緒尚監茲哉若升高必自下若陟遐往也必自邇無輕民事惟難無毋通惟思也無安厥位惟危慎終于始有言遜于汝心必求諸道有言遜于汝志遜順也必求諸非道嗚呼弗慮胡獲胡何也弗為胡成一人元良萬邦以貞正也君罔以辯言亂舊

政臣罔以寵利居成功邦其永孚于休
咸有一德

伊尹既復政厥辟將告歸乃陳戒于德曰嗚呼天
難謀音院命靡常靡無也常厥德保厥位厥德靡常九有
以亡夏王弗克庸德庸常也慢神虐民皇天弗保監于
萬方啓迪有命眷求一德俾作神主惟尹躬暨湯
咸有一德克享天心言當也受天明命以有九有之師
爰革夏正革改也非天私我有商惟天佑于一德非商
求于下民惟民歸于一德德惟一動罔不吉德二

三動罔不凶惟吉凶不僭在人言差也惟天降災祥在
德今嗣王新服厥命惟新厥德終始惟一時乃曰
新任官惟賢才左右惟其人臣為上為德為下為
民其難其慎惟和一德無常師主善為師善無
常主協于克一也俾萬姓咸曰大哉王言又曰一
哉王心克綏先王之祿永厯烝民之生嗚呼七世
之廟可以觀德萬天之長也可以觀政后非民罔
使民非后罔事無自廣以狹人無母同匹夫匹婦不獲
自盡民主罔與成厥功

盤庚上

盤庚遷于般民不適有居也率籲衆威籲音呼出矢

言天書也曰我王來既爰宅于茲重我民無盡劉盡子忍反劉殺也

不能胥匡以生卜稽曰其如台稽考也先王有服事也

恪謹天命茲猶不常寧不常厥邑于今五邦今不

承于古罔知天之斷命矧曰其克從先王之烈若

顛木之有由孽顛仆也孽芽也天其永我命于茲新邑紹復

先王之大業底綏四方盤庚敷于民敷訓教也由乃在

位以常舊服正法度曰無或敢伏小人之攸箴現也

王命衆悉至于庭王若曰格汝衆予告汝訓汝猷

黜乃心去也無傲從康無與母同古我先王亦惟圖任舊

人共政任如鳩反王播告之修不匿厥指王用不欽罔有

逸言民用不變今汝聒聒古活反起信險膚予弗知乃

所訟非予自荒茲德荒廢也惟汝含德不惕予一人惕畏懼也

予若觀火予亦拙謀作乃逸若網在綱有條而不

紊亂也若農服田力穡乃亦有秋汝克黜乃心施實

德于民至于婚友不乃敢大言汝有積德乃不畏

戎毒于遠邇戎大也惰農自安不昏作勞昏音敏強也不服田

敵越其國有黍稷汝不和言言于百姓惟汝自生

義乃敗禍姦宄以自戾于厥身乃既先惡于民乃

奉其恫奉承恫音通痛也汝悔身何及相時儉民相息亮反視也儉思廉反猶胥

顧于箴言其發有逸口矧予制乃短長之命汝曷

弗告朕而胥動以浮言胥相也下同恐沈于衆若火之燎

于原燎盛也反不可嚮邇嚮音向其猶可撲滅撲音撲則惟爾與自

作弗靖也非予有咎也遲任有言曰任如也人惟求舊

器非求舊惟新古我先王既身乃祖乃父胥及逸勤

予敢動用非罰世德爾勞予不掩爾善爾勞予不掩爾善予大享

于先王爾祖其從與享之與音預作福作災予亦不敢

動用非德予告汝于難若射之有志射夜反汝無侮老

成人無弱孤有幼各長于厥居勉出乃力聽予一

人之作猷無有遠邇用罪伐厥死用德彰厥善邦

之臧善也惟汝衆邦之不臧惟予一人有佚罰凡爾

衆其惟致告自今至于後且又暴爾事齊乃位度

乃口罰及爾身弗可悔

盤庚中

盤庚作惟涉河以民遷乃誥民之弗率誕告用寶

誕大也直當
但反誠也

其有眾咸造

七到反咸造皆至也

勿藝在王庭

藝音泄盤庚

乃登進厥民曰明聽朕言無荒失朕命嗚呼古我

前后罔不惟民之承也敬保后胥感也憂鮮以不浮于

天時也浮勝殷降大虐先王不懷也安厥攸作視民利用

遷汝曷弗念我古后之聞承汝俾汝惟喜康其非

汝有咎比于罰也比匪予若顛懷茲新邑也顛音亦惟汝故

以不從厥志今予將試以汝遷也試用安定厥邦汝不

憂朕心之攸困乃咸大不宣乃心欽念以忱也時王反誠也

動予一人爾惟自鞠自苦也勸若乘舟汝弗濟自厥

載與敗也載作代反爾忱不屬音燭惟胥以沈不其或稽自怒是

瘳鳩丑反汝不謀長以思乃災汝誕勸憂今其有今罔

後汝何生在上今予命汝一無起穢以自臭穢於廢反恐

人倚乃身迂乃心迂雲俱反予迂續乃命于天子豈汝威

用奉畜汝眾畜許六反予念我先神后之勞爾先予丕克

羞爾羞養也用懷爾然失于政陳于茲陳久也高后丕乃崇

降罪疾崇大也曰曷虐朕民汝萬民乃丕生生暨于一

人猷同心先后丕降與汝罪疾曰曷不暨朕幼孫

有比故有爽德爽失也自上其罰汝汝罔能迪古我先

后既勞乃祖乃父汝共作我畜民汝有戕害也則
在乃心我先后綏乃祖乃父乃祖乃父乃斷棄汝
言反不救乃死茲予有亂政同位亂治也具乃貝玉貝音乃
祖乃父丕乃告我高后曰作丕刑于朕孫迪高后
丕乃崇降弗祥嗚呼今予告汝不易音永敬大恤
也憂無言絕遠汝分猷念以相從各設中于乃心乃
有不吉不迪顛越不恭暫遇茲音完我乃劓殄滅
之無遺育無俾易種于茲新邑種之勇反往哉生生今予
將試以汝遷試用也永定乃家

盤庚下

盤庚既遷奠厥攸居是也乃正厥位綏爰有眾曰無
戲怠懋建大命今予其敷心腹腎腸腎是及歷告爾百
姓于朕志歷盡也罔罪爾眾爾無共怒協比讒言予一
人古我先王將多于前功適于山用降我凶德嘉
績于朕邦今我民用蕩析離居罔有定極爾謂朕
曷震動萬民以遷肆上帝將復我高祖之德亂越
我家亂治越及也朕及篤敬恭承民命用水地于新邑肆
予冲人冲音充非廢厥謀弔由靈用靈善也各非敢違下

用宏茲賁宏賁皆大也嗚呼邦伯師長百執事之人尚皆

隱哉隱痛也予其懋簡相爾簡擇相也念敬我衆朕不庸好

賁賁有任也敢恭生生敢勇也鞠人謀人之保居敘欽今我既

羞告爾于朕志羞進也若否罔有弗欽無總于代賁實無母同總

也聚 生生自庸式敷民德式敬也永肩一心

說命上說音悅

王宅夏亮陰三祀亮龍震反陰鳥會反既免喪其惟弗言羣臣咸

諫于王曰嗚呼知之曰明哲明哲實作則天子惟

君萬邦百官承式王言惟作命不言臣下罔攸臯

令王庸作書以誥曰庸用也以台正于四方台音怡台恐德

弗類茲故弗言恭默思道夢帝賚予良弼其代予

言乃審厥象審詳也俾以形旁求于天下旁徧也說築傅巖

之野野筭居也惟肖肖似也爰以作相息亮反王置諸其左右命之

曰朝夕納誨以輔台德若金用汝作礪礪力世反若濟巨

川用汝作舟楫若歲大旱用汝作霖雨啓乃心啓開也

沃朕心沃灌也若藥弗瞑眩瞑眠見反眩煖相友厥疾弗瘳愈也若跣弗

視地跣類也厥足用傷惟暨乃僚罔不同心以匡乃辟

匡正也辟必益反君也 俾率先王率循也迪我高后迪蹈也以康兆民嗚呼

欽于時命其惟有終說復于王曰惟木從繩則正
后從諫則聖后克聖臣不命其承疇敢不祗若王
之休命時論也

說命中

惟說命總百官乃進于王曰嗚呼明王奉若天道
建邦設都樹后王君公承以大夫師長不惟逸豫
惟以亂民亂治也惟天聰明惟聖時憲法也惟臣欽若惟
民從乂惟口起羞惟甲冑起戎冑直又反惟衣裳在箚惟
于文省厥躬王惟戒茲允茲克明乃罔不休惟治

亂在庶官官不及私昵尼爾反惟其能爵罔及惡德惟
其賢慮善以動動惟厥時有其善喪厥善喪息反矜其
能矜者也喪厥功惟事事乃其有備有備無患無啓寵
納侮無耻過作非惟厥攸居政事惟醇純音黷于祭
祀黷徒谷反時謂弗欽禮煩則亂事神則難王曰旨哉旨美也
說乃言惟服行也乃不良于言予罔聞于行說拜稽
首曰非知之艱行之惟艱王忱不艱允協于先王
成德惟說不言有厥咎

說命下

王曰來汝說言小子舊學于甘盤既乃遜于荒野

也遜退宅于河自河徂亳既厥終罔顯也明爾惟訓于朕

志若作酒醴禮音爾惟麴蘖麴起六反 蘖魚列反若作和羹庚音爾惟

鹽梅爾文修予罔予棄予惟克邁乃訓邁行也說曰王

人求多聞時惟建事學于古訓乃有獲事不師古

以克永世匪說攸聞惟學遜志遜謙抑也務時敏厥修乃

來允懷于茲道積于厥躬惟敦學半敦明教反念終始典

于學典常也厥德修罔覺監于先王成憲其永無愆愆過也

惟說式克欽承式用也旁招俊乂列于庶位王曰嗚乎

說四海之內咸仰朕德時乃風也股肱惟人良臣

惟聖昔先正保衡作我先王起也乃曰予弗克俾厥

后惟堯舜其心愧耻若撻于市一夫不獲則曰時

予之辜佑我烈祖格于皇天爾尚明保予罔俾阿

衡專美有商惟后非賢不乂惟賢非后不食其爾

克紹乃辟于先王永綏民說拜稽首曰敢對揚天

子之休命

高宗彤日彤音融

高宗彤日越有雉雉雉居候反鳴也祖已曰已音紀惟先格王格正也正

厥事乃劓于王曰惟天監下民典厥義典主也降年有
永有不永非天夭民天於兆反民中絕命民有不若德不
聽罪天既孚命正厥德乃曰其如台嗚呼王司敬
民司主也罔非天胤典祀無豐于昵

西伯戡黎戡音堪勝也

西伯既戡黎祖伊恐奔告于王曰天子天既訖我
殷命訖絕也格人元龜罔敢知吉非先王不相我後人
惟王淫戲用自絕故天棄我不有康食康安也不虞天
性虞度也不迪率典今我民罔弗欲喪曰大曷不降威

大命不摯至也今王其如曰王曰嗚呼我生不有命
在天祖伊反曰嗚呼乃罪多參在上參倉合反乃能責命
于天殷之卽喪指乃功事也不無戮于爾邦

微子

微子若曰父師少師殷其弗或亂正四方亂治也我祖
底遂陳于上底致也我用沈酗于酒酗吁句反用亂敗厥德于
下殷罔不小大好草竊姦宄軌音卿士師師非度凡
有辜罪辜音孤乃罔恆獲恆胡登反小民方興相為敵讎今殷
其淪喪淪音倫若涉大水其無津涯崖音殷遂喪越至手

今日父師少師我其發出狂出尺類反吾家耄遜于荒今

爾無指告于顛隳隳西反若之何其辭語父師若曰王子

天毒降災荒殷邦方興沈酗于酒乃罔畏畏咈其

考長舊有位人今殷民乃攘竊神祇之犧牲攘如羊反

全用以容將食無災降監殷民用乂力念反讎敵

讎不怠罪合于一多瘠罔詔也告商今其有災我與

受其敗商其淪喪我罔為臣僕詔王子出迪也道我

舊云刻子也刻害王子弗出我乃顛隳自靖也安人自獻

于先王我不顧行遯

